

মিশকাতুল মাসাবীহ (মিশকাত)

হাদিস নম্বরঃ ৮৪৯

পর্ব-৪: সালাত (كتاب الصلاة)

পরিচ্ছেদঃ ১২. দ্বিতীয় অনুচ্ছেদ - সালাতে ক্বিরাআতের বর্ণনা

আরবী

وَعَنْ جَابِرِ بْنِ سَمُرَةَ قَالَ: كَانَ النَّبِيُّ صَلَّى اللَّهُ عَلَيْهِ وَسَلَّمَ يَفْرَأُ فِي صَلَاةِ الْمَغْرِبِ لَيْلَةَ الْجُمُعَةِ: (قُلْ يَا أَيُّهَا الْكَافِرُونَ) و (قُلْ هُوَ اللَّهُ أَحَدٌ) رَوَاهُ فِي شَرْحِ السَّنَةِ

বাংলা

৮৪৯-[২৮] জাবির (রাঃ) ইবনু সামুরাহ্ (রাঃ) হতে বর্ণিত। তিনি বলেন, নবী সাল্লাল্লাহু আলাইহি ওয়াসাল্লাম জুমু'আর দিন রাতে (অর্থাৎ- বৃহস্পতিবারে দিবাগত রাতে) মাগরিবের সালাতে "কুল ইয়া- আইয়্যুহাল কা-ফিরুন" (সূরাহ্ আল কা-ফিরুন) ও "কুল হুওয়াল্লাহ-হু আহাদ" (সূরাহ্ ইখলাস) পাঠ করতেন।[1] এ হাদীসটি শারহুস সুন্নাহ্'য় বর্ণিত হয়েছে।

ফুটনোট

[1] খুবই দুর্বল : ইবনু হিব্বান ১৮৪১, য'ঈফাহ্ ৫৫৯। ইমাম বায়হাকী (রহঃ) হাদীসটি সা'ঈদ ইবনু সিমাল ইবনু হারব তার পিতা হতে এ সূত্রে বর্ণনা করে বলেনঃ আমি হাদীসটি জাবির ইবনু সামুরাহ্ থেকে বর্ণিত বলেই জানি। অতঃপর তিনি হাদীসটি উল্লেখ করেন। ইবনু হিব্বান বলেনঃ মাহফুজ হলো যেমাক থেকে অর্থাৎ- সঠিক হলো হাদীসটি মুরসাল যাতে জাবির (রাঃ)-এর উল্লেখ নেই। আর তিনি (ইবনু হিব্বান) যার কথা উল্লেখ করেছেন তিনি এ সা'ঈদ। আর ইবনু হিব্বান যদিও তাকে বিশ্বস্ত বলেছেন কিন্তু আবু হাতিম তাকে মাতরুকুল হাদীস বলেছেন। আর হাফিয় ইবনু হাজার আবু হাতিম-এর কথার উপর নির্ভর করেছেন বা তার কথা সমর্থন করেছেন এবং তিনি ফাতহুল বারীতে বলেছেনঃ মাহফুজ হলো রসূল সাল্লাল্লাহু আলাইহি ওয়াসাল্লাম এ দু'টি সূরাহ্ মাগরিবের সুন্নাতে পড়েছেন। আলবানী (রহঃ) বলেনঃ আবু দাউদ ও অন্যান্যরা হাদীসটি ইবনু 'উমার থেকে সহীহ সানাদে বর্ণনা করেছেন।

পাবলিশারঃ হাদিস একাডেমি

🔗 Link — <https://www.hadithbd.com/hadith/link/?id=55408>

📖 হাদিসবিডির প্রজেক্টে অনুদান দিন